

DE

ADVOCATO ICTO

DISSERIT

SIMVLQVE COLLEGIA SVA

INDICIT

D. FRIDERICVS Sebrecht
Stolke.



DE
ADVOCATO ICTO

DISSERTATIO

IN ACADEMIA REGIA

INDICIT

D. FRIDERICVS

Stolte



Vo minus occupor causarum pat-
 tronis apologiam texere, quibus
 publica autoritas dignitatem ac
 honorem satis inuiolabilem iam-
 iam dedit, eo minus longis nar-
 rationibus refutabo eos, qui
 concinne Aduocatis derogant.
 Hoc tantummodo edisseram
 paucis: Aduocatum verum, esse Ictum. Aduocatus
 est persona publica, quae ius nouit, et iura clientum
 in foro proponit, et ita tam consulendo quam per-
 orando demandatas causas curat. Duplicem induit per-
 sonam. Et iuris artis peritus est, et iura clientum de-
 fendit. Vt Aduocatus verus, solidissima gaudere de-
 bet iuris principiorumque iuris notitia, nec non re-
 rum huc facientium cognitione. Vt Practicus seu
 qua officio fungitur, causas perorat, et modi in foro
 procedendis at gnarus esse debet. Ictus est persona
 publica, quae ius nouit, potestatemque habet de iure
 respondendi, iura docendi, consilia dandi, et ius co-

gnito facto applicandi. Vel si Ictum tanquam eruditum priuatum consideras, est persona, quæ ius nouit, atque de iure commentandi, respondendique et id explicandi potentia pollet. In hoc quidem videntur differre, quod ille intuitu officii factum cum iure proponat, hic decimat; si speciatim *περί τινος* vtriusque officii exposcas. Ille qua audit Aduocatus magis occurrens factum, hic potius ius ponderet. Præterea ille formulas magis forenses, hic minus curare debeat. Denique dissimiles esse videntur, quando theoretico magis studio in enucleandis legibus iurisue prudentiæ consultatiuæ hic, ille vero *ὑποφαιδεντίας* iudiciariæ operam nauare dicuntur. Verum enim vero, omnia ita se habent, si speciatim distinguis officium Aduocati atque Icti, si quod actu unusquisque agit, metiris. Primum etenim omnium iurisperiti esse se nosse leges et legum rationem, cognoscere ea, quæ ad veram iurisprudentiam pertinent, nemo ambigit. Neque hic strictim Ictum talem *ὑποφαιδεντίας* esse, qualem scimus auctoritate legislatoris constitutum, vt de causis forensibus sibi delatis cognoscat, quippe hic specialius potius audit iudex, sed generatim, quatenus iuris est bene gnarus. Aduocatus actu quidem non semper, siquidem iterum quoad factum externum eundem cognosceis, bene tamen potentia debet esse semper Ictus. Tria vulgo iurisprudentiæ commemorantur genera, quorum alterum Nomotheticen alterum Buleuticen, tertium Dicasticen appellant. Nomothetice prudentia generalis vox est, et magis insignior, quia omne quod ciuile ius absoluit, comprehendit, et Regia audit. Hanc in Iouis antro per integros nouem annos Minoa didicisse auctor est Homerus

merus

merus. Buleutice legislatori consilia largitur, et vim et rationem perhibet siue ferat legem, siue latam abroget, vel corrigat vel explicet. Dicastice interpretandis legibus occupatur, siue ad casus oblatos accommodari vel executio mandari debeat, docet. Quid itaque, opponunt, Aduocatus cum Nomothetice vel Buleutice prudentia commune habet, qui foro clauditur, et aulis Principum exul est; cuius labor non, nisi in ne-ctendis formulis, excogitandis exceptionibus, et, quod fere plurimi credunt, tricandis iuribus consumitur? Sed quid aliter hi faciunt quam hoc, vt aut ineptum Aduocatum aut ipsum Rabulam cum vero Aduocato confundant, cum nomen Aduocati per seculi mores odiosum arripiunt, et iuris artis non recordantur. Non enim ipsi Icti inficias eunt, inter artis regulam seu scientiam Icti et Aduocati nullam intercedere debere discrepantiam. Nullo modo, fidem, conscientiam, vitaeque integritatem sibi retinet Aduocatus, nisi vere sit Ictus. Nullo modo rite fungetur officio, concreditasque sibi et altioris indaginis causas, bona fide geret, nisi sit Ictus. Nomothetice prudentia sola quidem legibus condendis proficit, et magis aulica quam scholastica videtur considerari: cum vero Princeps raro legem condatur, nisi simul an expediat Reip. consilio prudentum diiudicet, ita et haec vti altera atque altera Icto et Aduocato communis esse debet. Aduocatus quatenus saltem eundem ita dicis, qui tantummodo edoctus est denunciationem fingere, huius prudentiae gnarus non est, quatenus vero hominem requiris tali officio dignum, requiritur, vt non solum formulas noscat, sed et Nomothetices, Buleutices et Dicastices prudentiae optime sit peritus. Sed quaeso, ita satis solide dissen-

tiunt; annon ille nomine et dignitate audit Aduocatus, qui secundum Mand. Reg. d. d. Dresdae d. XII. Apr. cl. Jccc XXIII. eruditionem suam probatam dedit, qui elaboratis speciminibus licentiam nactus causas in foro peragit? Cum hoc affirmamus, amplius instant, attamen inter eosdem deprehendes nonnullos. qui maxima ex parte non solum Buleutices et Dicastices prudentiae sed et ipsius formae processus strenue ignari sunt, an et de istis, quibus nomen Aduocati frustra denegas, quod sint Icti, affirmare fas est? Verum licet interdum haec vera sint, distinguendum tamen putarim, inter id quod interdum sub et obreptie fit, et quod fieri debet. Praeterea a particulari ad vniuersale sequela non est. Neque adeo stricte coarctamus Aduocati nomen vt saltim quosdam subintelligamus, sed generatim denotamus omnes quibus facultas cum legalitate competit orandi causas. Tales imprimis, in quibus si causae maioris momenti tractandae sint, solidior doctrina requiritur, quam nuda formularia ars. Par iniqua mihi videtur ratio, vel si ex imperitia sociorum Ordinem dehonestare velles, vel si alios ex nimia Tui admiratione. despicias, sinistre sine assertionis ratione sentias, et eruditionem non, nisi in canitie vel collatiuo ventre quaeras. Denique non perpetua est illa differentia, quae Aduocato factum, Icto ius attribuit. Siquidem ego neutiquam iis subscribo, qui asserunt, Ictum solum ius, non factum cognoscere l. 52. §. 2. ad L. A. Iuris cognitionem, quae in meris speculationibus vertitur, et magis critices studio, quam applicandi rationi inseruit, solum Ictum absolueri non posse, quis negabit? In quantum vero Iurisprudencia requirit solidam atque genui-

genuinam tam historiae quam Iuris Naturae principiorum item legum noticiam et legis interpretationem, explicationem et ad factum occurrens applicandi rationem, in tantum Aduocatus et Ictus pares debent esse aemuli et non differunt. Quid quod? non poterit esse Ictus nisi sit bonus Aduocatus. Haec ita intelligi volo ut cognitis cognoscendis, facta simul cum iure ponderare bene edoctus esse, debeat. Antiquas iuris formulas nosse, eo minus efficit Ictum, quo minus forenses, formulae hodiernae reddunt Aduocatum. Vtrumque ergo decet Ictum, et scire leges, et vim earundem atque efficaciam in factum introducere posse. Ita nunquam a Icto separare poteris Aduocatum et ab Aduocato vero Ictum, nisi idem facias ac si a corpore demas animam. Nunc iudicare integrum erit, an ii nomen Aduocati mereantur, qui ex praescriptis formulis obseruantisque, accurata earum comparata notitia et iuribus domesticis leuiter cognitis in foro agunt. Facili nunc negotio decidenda erit quaestio: an Aduocatus sit mango? nimirum cum huius farinae homines quos praesuppositos vides, et qui formulariter agunt, Aduocatos nominas. Falsum etenim esset in definiendo artifice, hominem ineptum delineare et exinde colligere, artifex ergo persona omnium ineptissima est. Nunquam pones exceptionem pro regula, nisi simul conclusiones falso laborantes principio producas. Prohibent angustii limites finisque propositus quo minus his lineis huic controuersiae satisfacere ex aequo, vltiori tamen occasione seruabo et nunc paucis de Collegiorum post festum Trinitatis mox inchoandorum ratione haec indicare volui.

- I. Ab hora VIII. vsque IX. Institutionum Imperialium textum ita enucleabo , vt cum cognitione iuris antiqui , Patrium ius forique obseruantia simul constet. Singulis diebus Mercurii aque Sabbathi eadem hora repetitionem huius lectionis examinando instituiam, et Deo dante hunc laborem per semestre absoluam.
 - II. Ab hora IX. vsque X. antem. et II. vsque III. pomerid. in Schoepfferi Synopsin lib. ff. explicabo.
 - III. Diebus Mercurii et Sabbathi ab hora II. vsque III. Collegium Processuale seu Elaboratorio Practicum habebō. In hoc non solum solida processus cognitio erit tradenda, sed et simul relationis Actorum rationem, conscribendique speciminis einer Prob-Relation, nec non modum procedendi a parte iudicis et aduocati docebo.
 - IV. Iisdem diebus et quidem hor. III. vsque IV. Collegium Disputatorium , praemissa disputandi methodo, secundum seriem Institutionum continuabo.
 - V. Iisdem diebus hor. IV. vsque ad V. Collegium iuris Criminalis offero.
- P. P. post Festum Paschatis MDCCXXXIII.

L I P S I A E

LITERIS IO. CHRISTIANI LANGENHEMII: